

Annie: Gudai Rosa.

Rosa: Gudai, Annie. Skääl dü nei tjüch haa?

Annie: Jä, ik skal tu Oper mä man Peter.

Rosa: Uu, tu Hamborig? Mä Peter?

Annie: Jä, hi auerrasket mi tu üüs juarsdai.

Rosa: Dan Peter wurt jä rocht romantisch efter twuntig juar.

Annie: Det as fein, ei!? So, nü brük ik en smok kleet. Ferlicht en suarten. Ober ik wal ei amtaaklet ütjsä.

Rosa: Det kön ik ferstun. Wat heest föör en gratens?

Annie: Detsalew gratens üüs föör twuntig juar haa ik ei muar.

Rosa: Okay, leet mi auerlei! - Diar as en smok kleet.

Annie: Ik paase det uun.

Rosa: Komst dü ütj? Sat det kleet ei rocht? Skal ik di en öler gratens haale?

Annie: Uu Rosa! Dü beest groosartig!

Rosa: Annie, dü schochst ütj üüs twuntig! Ober de sliawen anre ik di. De san en biitjebetj tu lung.

Annie: Det as fein.

Rosa: Dü könst din kleet auermaaren ufhaale.

Annie: Föl toonk, Rosa! Ik frööge mi!

Rosa: An ik wanske jam en gans feinen inj!



Nei tjüch von Jasmine Nissen via Tutor. Dieses Werk ist lizenziert unter einer Creative Commons Namensnennung 4.0 International Lizenz - <https://creativecommons.org/licenses/by/4.0deed.de>